

Giachen Giusep Riedi

12.08.1912 - 02.03.2003



Nies car bab e tat Giachen Giusep Riedi-Peder ei naschius ils 27 d'uost 1912 sco 6avel dad 8 af-fons da Giachen Giusep e Maria-Margretha Riedi-Peder da Tschamut.

Ensemen cun ses 7 fargliuns ha el passentau ina sempla, denton biala affonza a Tschamut.

Baul ha el stuiu sentir ch'igl ei buca mo adina lev en la veta. Gia cun 12 onns piarda el siu car bab. Aschia tucca ei da segidar cun la mumma e famiglia da tutta forza.

La dira laver purila ei bein enconuschenta al giuven Giachen Giusep. Malgrad quel-las enconuschentschas sedecida miu tat tuttina per la clamada dil pur. Cun bien quitau e grond engaschi, denton era cun dira e stentusa laver tgira el il bein puril a Tschamut.

Igl onn 1935 eis el sospusaus cun nossa cara tatta, Culastia Peder da Tschamut. Ord quella lètg neschan 9 affons, 6 buobas e 3 buobs. Il Segner ha gia mess la giuvna famiglia sin emprova, ein gie 3 affons morts cuort suenter lur naschentschas. Mal-grad quellas diras fridas han nies tat e nossa tatta buca piars la speranza. Communa-blamein, cun grondas fadigias ed engaschi porschan els a lur affons ch'ein restai in bi temps d'affonza el ravugl d'ina famiglia purila ord las muntognas.

Ils 2 da mars 1990 miera la cara dunna, mumma e tatta Culastia. Ussa tucca ei da star senza la cara consorta a Tschamut.

Siu sulet fegl, nies frar ed aug Gion Giusep, sedecida da buca schar persuls il car bab e secasa en casa paterna. Bab e fegl meinan dacheudenvi ensemen il pign menaschi puril al pei dil Pass Alpu.

Aunc cun ses 85 onns ha el battiu la faultsch per segar il rar fein alpin. Tuttina han ils onns e la dira laver smaccau e spossaau las forzas. Aschia sto nies car Sep trer persuls ils davos onns il carr e dasperas aunc haver bien quitau dil bab.

Malgrad la vegliadetgna ed il contuorn pauc emperneivel, banduna Giachen Giusep buca siu carezau Tschamut. El vul guder cheu, en sia cuntrada carezada, la sera dalla veta.

Ils 2 da mars, en la biala veglidetgna da gleiti 91 onn, han las forzas bandunau nies car per adina. Il Segner cloma el tier ils ses. El ravugl dalla cara famiglia en sia stiva caulda ha nies car tat claus ils eglis per adina.

Engraziel car bab, tat, basat e frar per tut il bien e car che Ti has fatg per nus. In special engraziament lessen nus beadis admetter a Ti. Mai emblidein Tia fatscha marcanta cun Tiu surrir, – in surrir che gnanc la pipa en bucca ha saviu zuppentar. Mai emblidein il temps da stad, temps da far fein – denton era il temps d'unviern nua che nus havein passentau nossas vacanzas da skis.

Lieber Tat, wir danken Dir von Herzen für all Deine Liebe und für alles Gute was Du für uns getan hast. Wir werden Dich sehr vermissen und immer in guter Erinnerung behalten.

Car tat – rauassa en pasch.

In cordial engraziament era al miedi da casa sco era a tuts che han fatg dil bien ad el.

Tia beadia Regina, Rabius